

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), a po Konkurentskom zahtjevu broj: 05.12.100-2420-2 /18 od 06.4.2018. godine, te Odluke o izboru najpovoljnijeg ponuđača v.d. direktora Zavod za javno zdravstvo Kantona Sarajevo broj: 05.12.100-2420-Odluka o izboru/18 od 23.4.2018.godine, kojom je prihvaćena Ponuda ponuđača „RECIKLON“ d.o.o. Sarajevo, kao najpovoljnija i kojom se ponuđaču „RECIKLON“ d.o.o. Sarajevo dodjeljuje Okvirni sporazum za nabavku usluge preuzimanja, prevoza i zbrinjavanja infektivnog i hemijskog otpada, za potrebe J.U. Zavoda za javno zdravstvo Kantona Sarajevo, zaključuje se sljedeće:

## **OKVIRNI SPORAZUM O JAVNOJ NABAVCI USLUGE PREUZIMANJA, PREVOZA I ZBRINJAVANJA INFEKTIVNOG I HEMIJSKOG OTPADA**

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa mr.sc. Salih Mešić, dr.med, v.d. direktor (u daljem tekstu: Naručilac)

i

**RECIKLON d.o.o. ul.Brčanska br.15**, identifikacioni broj: 4209895560007, koga zastupa direktorica: Belma Krupalija Pašić, (u daljem tekstu: Izvršilac), zaključili su:

### **I PREDMET OKVIRNOG SPORAZUMA**

#### **Član 1.**

Ovim Okvirnim sporazumom utvrđuje se način i uslovi pod kojima **RECIKLON d.o.o.** (Izvršilac), izvršava usluge odlaganja infektivnog i hemijskog otpada koja obuhvata dolazak, prikupljanje otpada, odvoz i uništenje otpada te dostavu ambalaže za odlaganje otpada za potrebe Zavoda, sve prema Ponudi Izvršioca broj: 051/18.

#### **Član 2.**

Predmet ovog Okvirnog sporazuma je vršenje usluga sukcesivnog preuzimanja infektivnog i hemijskog otpada, odvoz i uništenje otpada te dostava ambalaže za odlaganje otpada za potrebe Naručioca (u daljem tekstu: usluge), a prema cijenama koje je Izvršilac usluga ponudio u Obrascu za cijenu ponude (Anex III).

Izvršilac se obavezuje da cijene navedene u specifikacijama neće mijenjati u periodu od jedne godine od dana zaključivanja Okvirnog sporazuma. Usluge iz ovog Okvirnog sporazuma Naručilac nabavlja za obavljanje svoje djelatnosti.

Izvršilac se obavezuje na sukcesivno preuzimanje, odvoz i uništenje sljedećeg hemijskog i infektivnog otpada:

#### **1. 06 OTPAD IZ ANORGANSKIH HEMIJSKIH PROCESA**

##### **06 01 otpad iz proizvodnje, formulacije, dobave i upotrebe (PFDU) kiselina**

- 06 01 01\* sumporna i sumporasta (sulfatna i sulfitna) kiselina
- 06 01 02\* hloridna kiselina (hlorovodonična kiselina)
- 06 01 03\* fluoridna kiselina (fluorovodonična kiselina)
- 06 01 04\* fosfatna kiselina i fosforasta kiselina
- 06 01 05\* azotna i azotasta (nitratna i nitritna) kiselina

**06 02 otpad iz PFDU baza**

- 06 02 01\* kalcijum hidroksid
- 06 02 03\* amonijum hidroksid
- 06 02 04\* natrijum i kalijum hidroksid
- 06 02 05\* ostale baze

**06 03 otpad iz PFDU soli i njihovih rastvora i metalnih oksida**

- 06 03 13\* soli i rastvori koje sadrže teške metale

**06 04 otpad koji sadrži metale i koji nije naveden u 06 03**

- 06 04 03\* otpad koji sadrži arsen
- 06 04 04\* otpad koji sadrži živu
- 06 04 05\* otpad koji sadrži ostale teške metale

**2. 14 OTPAD OD ORGANSKIH RASTVARAČA, RASHLADNIH MATERIJAMA I REAKTIVNIH GORIVA**

- 14 06 01\* hloro-fluorougļjovodonici, HCFC, HFC
- 14 06 02\* ostali halogenirani rastvarači i mješavine rastvarača
- 14 06 03\* ostali rastvarači i mješavine rastvarača

**3. 15 OTPADNA AMBALAŽA; APSORBENSI, MATERIJALI ZA UPIJANJE, FILTERSKI MATERIJALI I ZAŠTITNA ODJEĆA KOJA NIJE SPECIFICIRANA NA DRUGI NAČIN**

**15 01 ambalaža (uključujući odvojeno skupljani komunalni ambalažni otpad)**

- 15 01 01 ambalaža od papira i kartona
- 15 01 02 ambalaža od plastike
- 15 01 07 staklena ambalaža
- 15 01 10\* ambalaža koja sadrži ostatke opasnih materija ili je onečišćena opasnim materijama

**4. 16 OTPAD KOJI NIJE DRUGDJE SPECIFICIRAN U KATALOGU**

**16 05 gasovi u posudama pod pritiskom i odbačene hemikalije**

16 05 06\* laboratorijske hemikalije koje se sastoje od ili sadrže opasne materije, uključujući mješavine laboratorijskih hemikalija

**16 09 oksidirajuće materije**

- 16 09 01\* permanganati, npr. kalijum permanganat
- 16 09 02\* hromati, npr. kalijum hromat, kalijum ili natrijum dihromat
- 16 09 03\* peroksidi, npr. vodonik peroksid

**16 10 vodeni tekući otpad namijenjen za obradu izvan mjesta nastanka**

- 16 10 01\* tečni vodenasti otpad koji sadrži opasne materije
- 16 10 02 tečni vodenasti otpad koji nije naveden pod 16 10 01
- 16 10 03\* vodeni koncentracije koji sadrže opasne materije
- 16 10 04 vodeni koncentracije koji nisu navedeni pod 16 10 03

**5. 18 OTPAD KOJI NASTAJE KOD ZAŠTITE ZDRAVLJA LJUDI I ŽIVOTINJA I/ILI SRODNIH ISTRAŽIVANJA (isključujući otpad iz domaćinstava i restorana koji ne potiče iz neposredne zdravstvene zaštite) i označava se šifrom 18 00 00 i to:**

- 18 01 01 *Oštri predmeti*: igle, lancete i ostali predmeti koji mogu izazvati ubod ili posjekotinu (osim 18 01 03).
- 18 01 03\* *Infektivni otpad*: otpad čije je sakupljanje i odlaganje podvrgnuto specijalnim zahtjevima radi prevencije infekcije (sav otpad koji sadrži patogene biološke agense koji zbog svog tipa, koncentracije ili broja mogu izazvati bolest u ljudi koji su im izloženi, kulture i pribor iz mikrobiološkog laboratorija, rukavice i drugi pribor za jednokratnu upotrebu i sl.),
- 18 01 06\* hemikalije koje se sastoje od ili sadrže opasne materije
- 18 01 07 hemikalije koje nisu navedene pod 18 01 06
- 18 01 06 *Hemijski otpad*: hemikalije koje nisu navedene pod 18 01 05,
- 18 01 09 *Farmaceutski otpad* (lijekovi koji nisu navedeni pod 18 01 08): farmaceutski proizvodi, lijekovi i hemikalije koji nisu upotrebljeni, ili im je istekao rok upotrebe, ili se trebaju baciti iz bilo kojeg razloga.

Opasni otpad ima oznaku zvjezdice (\*).

## **II UGOVORENA CIJENA, OBRAČUN I NAČIN PLAĆANJA**

### **Član 3.**

(1) Ukupna vrijednost Okvirnog sporazuma iznosi 29.050,00 KM bez PDV-a.

(2) Na osnovu Okvirnog sporazuma, Ugovorne strane će zaključiti pojedinačne Ugovore sa rokom važnosti ukupno do važnosti Okvirnog sporazuma, zavisno od interesa Ugovornih strana, a pod uslovima utvrđenim u Obavještenju o javnoj nabavci i tenderskom dokumentacijom i u skladu sa odredbama Zakona o obligacionim odnosima.

(3) Plaćanje usluga vrši se po fakturi Izvršioca, nakon isporuke usluga. Naručilac se obavezuje platiti Izvršiocu ugovorenu cijenu, u roku od 30 (trideset) dana od dana dobijanja fakture od strane Izvršioca.

## **III ROK, MJESTO I NAČIN VRŠENJA USLUGA**

### **Član 4.**

(1) Izvođač se obavezuje da će u skladu sa članom 2. i 5. ovog Okvirnog sporazuma izvršavati usluge Ugovornom organu, u skladu sa potrebama i narudžbama iskazanim u pismenom obliku, i to u roku od 2 (dva) dana od prijema pismene narudžbenice.

- (2) Izvršilac se obavezuje izvršavati usluge, propisanog kvaliteta, u traženim količinama i u dogovoreno vrijeme.
- (3) Izvršilac se obavezuje da će obezbijediti prioritet izvršavanja usluga koje su predmet Okvirnog sporazuma ugovornom organu.
- (4) Sukcesivno preuzimanje infektivnog i hemijskog otpada izvršilac će vršiti svaki radni dan u periodu od 9:00h do 10:00h.
- (5) Izvršilac se obavezuje prilikom pružanja otpada izdati naručiocu potvrdu o preuzetom otpadu.

#### Član 5.

Izvršilac se obavezuje da usluge iz člana 2. ovog Okvirnog sporazuma izvrši u roku koje utvrdi Naručilac.

Izvršilac se obavezuje, u roku od 24 sata, pismeno obavijestiti Naručioca u slučaju da nije u mogućnosti ispoštovati rok iz prethodnog stava.

#### Član 6.

Izvršilac se obavezuje otpad pružati na adresi Naručioca u ul. Dr. Mustafe Pintola br.1/III, Ilidža.

#### Član 7.

- (1) Ovaj Okvirni sporazum se zaključuje za ugovorni period od 12 mjeseci odnosno do isteka vrijednosti ovog Okvirnog sporazuma.
- (2) U slučaju eventualnih primjedbi Ugovornog organa na kvalitet usluga, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.
- (3) Odredbe ovog Okvirnog sporazuma ne mogu se mijenjati nakon njegovog zaključenja.

### IV UGOVORNE KAZNE I NAKNADA ŠTETE

#### Član 8.

- U slučaju kašnjenja u izvršenju usluga, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos;
- Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao utjecati niti ih predvidjeti;
- Ukoliko Izvršilac na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta usluga i utvrđenih rokova, Ugovorni organ ima pravo raskida Okvirnog sporazuma i pravo da o trošku Izvršioca ustupi posao drugom Izvršiocu sa pravom naknade troškova uvođenja novog Izvršioca kao i pravo na naknadu mogućeg nastanka štete zbog neispunjenja Ugovorne obaveze.

## V ZAVRŠNE ODREDBE

### Član 9.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

### Član 10.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

### Član 11.

Za sve što nije regulisano ovim Okvirnim sporazumom, primjenjivaće se odredbe Zakona o obligacionim odnosima.

### Član 12.

Ovaj Okvirni sporazum stupa na snagu danom potpisivanja obje ugovorne strane.

### Član 13.

Ovaj Okvirni sporazum je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.



DIREKTORICA

(Belma Krupalija Pašić)

Broj: 580 /18  
Sarajevo, 15.5.2018. godine

J.U. ZAVOD ZA JAVNO ZDRAVSTVO  
KANTONA SARAJEVO  
V.D. DIREKTOR

(mr. sci. med. Salih Mešić)

Broj: 05.12.100-2420-Okvirni sporazum /18  
Sarajevo, 15.5.2018. godine